



Բուժքրոջ յուրաքանչյուր գործողություն պետք է նպատակաուղղված լինի հիվանդի ապաքինմանը և նրա համար առավելագույն հարմարավետության ապահովմանը:

Բուժքույրը պետք է պահպանի իր մասնագիտության վարկն ու հեղինակությունը՝ արտաքին տեսքով, վարվեցողությամբ, մասնագիտական պատրաստվածությամբ նվաճի հիվանդի վստահությունը:

## Միջանձնային փոխհարաբերություններ



### Բուժքույր-հիվանդ

- ♥ հիվանդի հետ խոսելիս նրան դիմել «Դուք»-ով,
- ♥ անթույլատրելի են ինչպես չափից դուրս ընկերական, այնպես էլ չափազանցված պաշտոնական հարաբերությունները,

- ♥ հիվանդի հետ շփվելիս ուշադրություն դարձնել ժեստերին և պահվածքին,
- ♥ հիվանդի ներկայությամբ չքննարկել նրա ախտորոշումը և նշանակված բուժման ճշտությունը,
- ♥ հիվանդի հետ խոսել պարզ, չգործադրել բարդ բժշկական տերմիններ, թույլ տալ նրան արտահայտվել,
- ♥ խստորեն պահպանել հիվանդի բժշկական և անձնական տվյալների գաղտնիությունը,
- ♥ հիվանդի անձնական կյանքին միջամտությունը սահմանափակել միայն մասնագիտական անհրաժեշտության չափով,
- ♥ բժշկական միջամտություններից առաջ հասկանալի ձևով բացատրել հիվանդին դրանց իմաստը, օգնել նրան հաղթահարելու հոգեհուզական լարվածությունը,



### Բուժքույր-հիվանդի հարազատներ

- ♥ հիվանդի հարազատների հետ փոխհարաբերություններում լինել զուսպ և բարեհամբույր,

- ♥ պատասխանել հարազատների միայն այն հարցերին, որոնք գտնվում են բուժքրոջ իրավասության շրջանակներում,
- ♥ տեսակցող հարազատներին հարգանքով բացատրել տեսակցության կանոնները,



### Բուժքույր-բուժքույր

- ♥ հարգանքով վերաբերվել գործընկերներին,
- ♥ դիտողությունները կատարել նրբանկատորեն՝ ոչ հիվանդի և նրա հարազատների ներկայությամբ,
- ♥ բարդ իրավիճակներում հիվանդի համար աննկատ և առանց խուճապի օգնել գործընկերոջը,

Հիվանդին հետազոտելիս հիշիր, որ այդ ընթացքում նա էլ քեզ է հետևում:  
Մ.Մուրդով